

Ugovorne strane:

HIFA-PETROL doo Sarajevo-Vogošća, kao prodavac, ul. Hotonj bb, koga zastupa direktor Ahmetlić Hajrudin (u daljem tekstu: Prodavac) i

JU ZAVOD ZA HITNU MEDICINSKU POMOĆ KANTONA SARAJEVO, kao kupac, ul. Kolodvorska 14, Sarajevo 71 000, koga zastupa direktor mr.sc.dr Adem Zalihić (u daljem tekstu : Kupac) u Sarajevu zaključuju slijedeći

UGOVOR O NABAVCI GORIVA EURO DIZEL EN -590 ZA VOZILA ZAVODA

Ugovorne strane saglasno konstatiraju da se ovaj ugovor zaključuje na temelju Rješanja po žalbi, broj: 01-3623-3/20 od 16.10.2020. godine, koje je doneseno nakon provedenog Otvorenog postupka.

Član 1.

Predmet ovog ugovora je sukcesivna isporuka goriva na osnovu specifikacije iz tendera po Javnom oglasu objavljenom na Portalu javnih nabavki i Službenom glasniku BiH putem otvorenog postupka.

Član 2.

Potpisivanjem ovog ugovora Prodavac preuzima neopozivu obavezu da na svojim benzinskim pumpama, vrši isporuku goriva za službena vozila JU Zavod za hitnu medicinsku pomoć Kantona Sarajevo.

Član 3.

Vrijednost ovog ugovora je: 151.500,00 KM bez PDV-a, 177.255,00 KM sa PDV-om.

Član 4.

Prodavac se obavezuje da će isporuku goriva iz člana 2. ovog ugovora vršiti po cijenama i uslovima sadržanim u svojoj ponudi: broj JN-3098/20 od 27.08.2020. godine, nakon

provedene E-aukcije, koje su priložene uz ovaj ugovor i smatraju se njegovim sastavnim dijelom.

Prodavac će se pridržavati ponuđene cijene goriva, sve dok Federalno ministarstvo trgovine i druge nadležne institucije ne donesu Odluku o promjeni cijena goriva zavisno o promjeni tečaja USD i kretanja cijena naftnih derivata na svjetskom tržištu, ili Odluke o izmjeni zakonskih propisa iz oblasti poreza, putarina i sl., kao i drugih parametara koji utiču na tržišnu cijenu goriva a važiće po cjenovniku na dan preuzimanja goriva.

Svaka promjena mora biti potvrđena validnom dokumentacijom od strane nadležnog Federalnog ministarstva trgovine.

Član 5.

Prodavac se obavezuje da će za potrebe Kupca isporuku goriva vršiti od 00-24 sata, na slijedećim adresama:

- Adema Buće bb, Buća Potok
- Zabrdje bb, Rajlovac
- Hotonj bb, Vogošća
- Rustempašina broj 38, Ilidža

Član 6.

Kupac se obavezuje da će kupljenu robu platiti u roku od 30 dana, po prijemu fakture za isporučenu robu, pod uslovom da prilikom primopredaje Kupac nema primjedbi na isporučenu robu.

Član 7.

Prodavac se obavezuje da će u slučaju nestašice goriva u svakom trenutku obezbjediti stalne rezerve goriva.

Član 8.

Prodavac se obavezuje da će svaka dva mjeseca dostavljati odgovarajuće certifikate o kvaliteti goriva, koje izdaje nadležna institucija.

Član 9.

Kupac može jednostrano raskinuti ovaj ugovor, ako utvrdi da Prodavac ugovorene obaveze obavlja suprotno preuzetim obavezama iz članova 2., 4., 5., 7. i 8. ovog ugovora. U tom slučaju Prodavac je obavezan snositi svu štetu nastalu raskidom ovog ugovora

Član 10.

Ugovorne strane su saglasne da će sve sporove iz ovog ugovora rješavati sporazumno, a ukoliko to nije moguće nadležan je Općinski sud u Sarajevu.

Član 11.

Ovaj ugovor se zaključuje na **12 (dvanaest)** mjeseci i stupa na snagu od 06.11.2020.godine.

Član 12.


Ugovor je sastavljen u 4 (četiri) jednaka primjerka, od kojih svaka strana zadržava po 2 (dva) primjerka.


Prodavac


HIFA-PETROL d.o.o. Sarajevo
Direktor Ahmetlić Hajrudin



Kupac


JU Zavod za hitnu medicinsku pomoć KS
Direktor mr.sc.dr Adem Zalihić



HIFA-PETROL d.o.o.

botanjska - Vogošća

Broj: 2557 / 23
Datum: 30. 10. 2020

datum